

隴西李氏宗譜

孝部

忠白

孝糖

流派

苦派



龍西商孫重修李制幹公墓落成全景攝影留念

一九六八年三月中旬



注 意

文物乃是祖先遺產，勞動結晶，
光輝燦爛，人人都要注意保護，毀
壞破壞依法究辦。

去別：古建

名稱：李富墓葬

時代：宋代

莆田縣人民委員會

公元一九六三年十月七日



公諱嵩高字家上別號德菴壽巖公科主盟素質
厚道守樸順親愛弟恤鄰睦族幼讀經書長諳商
業嘉道間涵江海市繁華商舶輻輳公設棧肆
於涵之王橋頭垂三十餘載以篤倫常敦友誼排
難解紛爲己任士論榮之郡邑交章申薦咸舉
孝廉方正賜給衣頂詔授修職郎郡舉鄉飲大
典介爲大賓友于同爨終其身




公諱望高字家選號斗山壽巖翁仲子昆季皆
經商外出惟公樂守園林辛勤耕稼全家日
食賴以無虞天性至孝持家政奉侍雙親天
倫晚年兩眼失明公旦夕起居定省謹慎烏私
雁陣孝友無虧年值七旬以同踐祚覃恩頒賜
頂袍恤典里閭榮之時有長者之風稱云生平
素好九流術書而星命其最精也



公諱升高字家聲以性堅剛自號寬柔以制化昆
季有六身居第五生平慷慨不計錙銖素習商
業嘗賃舟往來重洋遠涉山東遼左凡三次
皆敗北失資猶復圖再舉爲季弟諫阻遂止晚
年與弟同居郡城所惜生命不辰娶婦續絃者三
猶然乏嗣螟蛉二子尚索季弟之男繼嗣其弟
以篤友愛許之



公諱恭高字家隆號芳園同懷有六公爲最少承
父兄訓督稚年窮經弱冠習賈開商業於郡城
兼濟橋北僑寓左所營孝養友愛敦宗睦黨恤
孤憐貧出自天性修宗祠整祖塋興廢廟平市價
賑饑荒施棺布聞公益如心社於郡廟皆由素志
其最巨者當林峻犯城圍匝月公出積穀三百石
贍軍事平賞給六品承德郎



余名光榮字梅友晚年號雪髯生命不辰九齡失
怙賴慈親盡教養成童父歿即廢學性好
書史恨學淺質鈍遇有深奧精微處輒艱悟
會每掩卷嗟嘆况乏良師益友指授琢磨惟日
對古人尋章參悟而已且家寒費缺養母恭兄
之外必勤儉以修齊躬耕之緞手猶不釋卷方
知學而後有惜今老矣幸得登士大夫之堂亦
不愧為山野鄙夫矣

白塘玉牒李氏宗譜序

天子之書謂之紀。諸侯之書謂之史。卿大夫之書謂之傳。邦國郡邑之書謂之志。百家姓氏之書謂之譜。樹一本之根苗。定萬世之枝幹也。蓋一株之間。榮枯有異。則弱強相陵。一祖之後。貴賤不同。則尊卑相濫。四方異域。流派雖殊。而澤均一處。九曲黃河。趨道雖異。而源同一流。是以木有榮枯之幹。羽有長短之毛。鶉結裘輕。共出公侯世胄。負薪珮玉。原仍同氣連枝。百世歸于一祖。萬葉發於一株。欲秀其苗。當固其本。以是根深而葉茂哉。譜者姓氏之經緯紀綱。系百代之源流。統

人倫之根底。但世代懸遠。支派分離。時世盛衰。苗裔
隔絕。譜乘若存。則班次俱定。不惑問源。不疑問代。
通識上古之親。明辨後世之誼。首論祖孫紹續。宗族敦
和。勿以貴為尊。賤為卑。比見時人。或居兄弟下。或
姪處叔行。野人習以為常。君子見之甚耻。凡為宗
族。遭難則濟。罹禍必救。男子七歲。傳以師儒。
訓導禮義。女兒六齡。居則近母。教習女紅。如
是宗族有濟濟之盛。後嗣彬彬之賢。不待言。而子孫
知所謹矣。

紹興十年庚申春三月

白塘五世孫富題於卧雲軒

白塘譜牒紀實序

吾家譜系屢編。自高陽氏以迄江王。由江安王傳至伯玉。澹軒蔬圃西塘諸先公。遷歷德行事蹟。名公著之詳矣。前哲載之稔矣。惜厄于永樂間之煨燼。舉世系誌書。誥敕碑文神像圖贊詩聯。悉皆殘燬。所僅存者。只見什一於千百爾。宣德間。竹軒望壺二公。網羅散帙。起而纂輯焉。厥功鉅哉。今宗姪深甫。具三長之識。詳加考訂。凡竊附攀援者。悉芟除之。編曰紀實。其分派星居。瞻明不失其為實。闕畧無紀。直別其為贗。持論正而考據真。筆削嚴而見聞確也。不剗削。何以